

# Pictura da decors da teater AFQ

## Pictur da decors da teater AFQ

Musik, Theater, Film

Kunst, Kunsthandwerk

Design

Kunst, Kultur, Kommunikation

### Durada

4 onns

### Terminaziun

Eidgenössisches  
Fähigkeitszeugnis EFZ

### Indicaziuns davart il salari

1. onn d'emprendissadi: CHF 750.-
2. onn d'emprendissadi: CHF 950.-
3. onn d'emprendissadi: CHF 1150.-
4. onn d'emprendissadi: CHF 1350.-

Sco pictura u pictur da decors da teater concepeschas e colureschas ti culissas, mobiglias ed auters objects per teaters, kinos u producziuns da televisiun. Ti lavuras cun materialas sco taila, atschal, lain u gip. Ti creeschas l'atmosfera giavischada che las producentas ed ils decoraturs da tribuna fixeschan.

## Incumbensas

### Preparar lavurs

- discutir plans cun la decoratura da tribuna u cun il producent, p.ex. co che la tribuna vegn picturada u decorada
- giuditgar, sch'il project è realisabel, p.ex., sch'ils termins pon vegnir observads u sch'ils locals èn disponibels
- tschertgar infurmaziuns davart il stil giavischà
- empustar material necessari sco tailas, atschal, gip e colurs
- preparar e furmar il material, p.ex. tagliar palpiri e lain u far schablonas
- tscherner u maschadar colurs per survegnir ils colurits giavischads

### Crear maletgs ed objects

- colurar differents funds cun ina tecnica adattada, p.ex. malegiar cun penel, sprizzar, vernischar u stritgar si cun spungias
- crear decoraziuns, p.ex. da lain, metal u taila
- malegiar e concepir cuntradas, dissoluziuns, bustabs e musters
- utilizar tecnicas sco serigrafia, tapezar u modellar per cuntanscher in effect, p.ex. ch'insatge vesa ora vegl u modern
- picturar costums, mobiglias ed auters objects, uschenumnads requisits

- allontanar e concepir da nov las colurs tar maletgs da tribuna vegls

---

## Mantegnair material

- depositar e reparar correctamain maletgs da tribuna ed auters objects, sch'els èn donnegiads
- transportar maletgs da tribuna a l'occurrentza ed als montar là
- meglierar maletgs
- nettegiar e mantegnair il material da lavur ed ils utensils

## Ambient da lavur

Sco pictura u pictur da decors da teater lavuras ti en ateliers ed als lieus d'occurrentza, p.ex. en teaters u a sets da film. Mintgatant stos ti er lavurar durant las fins d'emna e las sairas per observar ils terminis.

Ti es engaschada u engaschè en ateliers u teaters independents. Mo fitg paucs manaschis prendan emprendistas ed emprendists. Ultra dals secturs dal teater, da l'opera, dal film e da la televisiun chattas ti mintgatant er lavur tar interpresas privatas u publicas, p.ex. per concepir paraids, hallas d'entrada u auters locals. Per avair dapli pussaivladads sin il martgà da lavur, pos ti er absolver furmaziuns supplementaras en il sector da la decoraziun d'interiurs.

## Pretensiuns e interess

### Pretensiuns

- Creatividad
- Senn per estetica
- Talent artistic
- Talent da disegnar
- Imaginaziun tridimensiunala
- Prontezza da lavurar durant uras irregularas u servetschs da notg
- Inschign manual

---

### Interess

- Lavurar cun ils mauns
- Disegnar, decorar, crear
- Lavurar cun taila, tgirom e palpiri

# Scolaziun

## Manaschis

---

Furmaziun pratica en in teater, ina chasa d'opera u in atelier artistic

## Scola

---

Curs da bloc dad 8 emnas per onn en la Scola d'art applitgà Turitg

## Curs odaifer il manaschi

---

Scola d'art applitgà Turitg: 45 dis durant 4 onns

## Durada

---

4 onns

## Cundiziuns d'admissiun

---

Terminà la scola obligatorica

## Maturitad professiunala

---

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

## Titel da finiziun

---

Pictur / Pictura da decors da teater AFQ

## Furmaziun cuntinuonta

### Curs

Curs da la Scola d'art applitgà Turitg ↗

<https://sfgz.ch/angebot/kurse/angebot>

## **Emprenissadi supplementar**

Sco pictura u pictur da decors da teater pos ti per regla far in emprendissadi scursanì da polidesignra u polidesigner AFQ.

## **Examen professiunal (EP)**

- Colurist / Colurista EP

## **Scola specialisada superiura (SSS)**

- Artist figurativ / Artista figurativa dipl. SSS

## **Scola auta specialisada (SAS)**

- Bachelor of arts en teater

Tut tenor la scola auta specialisada valan differentas cundiziuns d'admissiun.

## **Professiuns sumegliantas**

## **Ulteriuras infurmaziuns**

Swissdoc Nummer

TODO

### **Schweizerischer Theatermaler Verband (STMV)**

<https://stmv.ch/>

TODO

<https://www.becc.admin.ch/becc/public/bvz/beruf/show/53107?lang=de>